

# Namminersornerullutik Oqartussat nalunaarutaat aalisakkanik, piniakkanik savaateqarnermilu tunisassianik tunisaqarnermi nalunaaruteqartarnermut tunngasoq

Inuutissarsiutigalugu aalisarnek pillugu Inatsisartut inatsisaanni nr. 11-imi 21. november 1984-imeersoq § 16, inuutissarsiutigalugulu piniarneq aallaaniarnerlu pillugit aamma Inatsisartut inatsisaanni nr. 12-imi 22. november 1984-imeersoq §§ 6 aamma 7 naapertorlugit uku aalajangersarneqarput:

## § 1. Nalunaarummi pineqarput:

- a) Kalaallit Nunaata imartaani aalisarfiusumi angallatinit aalisakkat, uiluiit, saattussat kinguppaallu pisat.
- b) Miluumasut timmissallu pisat tunisassiat.
- c) Savaateqarnermi tunisassiat assigisaallu.

§ 2. Siullermeerutaasumik § 1-imi taaneqartunik aalisakkanik, piniakkanik savaateqarnermilu tunisassianik tunitsivimmut, nunami umiarsuarmiluunniit, tunisisup tunitsivini ilanngussami maleruagassat naapertorlugit paasissutissanik nalunaaruteqarfigissavaa.

§ 3. Tunitsivik, nunamiittoq umiarsuarluunniit, siullermeerutaasumik § 1-imi taaneqartunik aalisakkanik, piniakkanik savaateqarnermiluunniit tunisassianik pisisup aalisarnermut suliffissuaqarnermullu naalakkersuisoq pisiat pillugit paasissutissanik nalunaaruteqarfigissavaa, tamanna pillugu ilanngussami maleruagassat takukkit.

*Imm.* 2. Paasissutissat nalunaarutit imm. 1-imiittut paasissutissallu § 2-miittut ataatsikkut nassiunneqartassapput.

§ 4. Naalakkersiusunut ilaasortap paasissutissatut nalunaarutit, tak. § 3, Kalaallit Nunaanni Aalisarnermik Avatangiisinillu Misissuisoqarfimmut ingerlateqqissinnaavai.

§ 5. Nalunaarummi matumani aalajangersakkanik taakkunungalu atasumik ilanngussamik unioqqutitsineq akiliisitsinermik kinguneqarsinnaavoq.

§ 6. Nalunaarut ingerlaannaq atuutilerpoq.

*Imm.* 2. Taama ilutigalugu Kalaallit Nunaannut Ministereqarfiup nalunaarutaa 7. juli 1979-imeersoq aalisariutit minnerusut pisaannik nalunaarutiginnittarnermut tunngasoq atorunnaarsinneqarpoq.

Moses Olsen

/

Einar Lemche

Ilanngussaq

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut